

Broj: T06 0 KTRZ 0019289 16

Travnik, 04.01.2018.godine

KANTONALNOM SUDU U NOVOM TRAVNIKU

**- Sudiji za prethodno saslušanje -
NOVI TRAVNIK**

Na osnovu člana 45. stav 2. tačka i) i člana 241.stav 1. Zakona o krivičnom postupku Federacije Bosne i Hercegovine, podižem:

O P T U Ź N I C U

PROTIV: ILIJA PERAK rođen 1957.godine u mjestu Barevo, općina Jajce.

ŠTO JE :

Tokom rata u Bosni i Hercegovini i u vrijeme oružanog sukoba između pripadnika TO Jajce i HVO s jedne strane i pripadnika VRS sa druge strane, kao pripadnik vojne policije HVO Jajce, u Jajcu, postupao suprotno odredbama međunarodnog humanitarnog prava i to člana 3. stav 1, tačka a) i c) Ženevske konvencije o postupanju sa ratnim zarobljenicima od 12.08.1949.godine, koja zabranjuje nasilje nad životom, zdravljem ili fizičkim ili mentalnim blagostanjem ljudi, naročito ubistva i mučenja, tako što je ih udarao rukama i nogama u predjelu glave i grudi, da bi isti od siline udaraca padali po metalnim ormarima, dok je drugim oštećenima u prostorijama čajne kuhinje tukao palicom po leđima zbog čega su od zadobijenih udaraca i bolova izgubili svijest, dok je druge oštećene hvatao za glavu i udarao od metalni ormar, na koji način je nanosio zarobljenicima snažnu tjelesnu bol i patnju.

U vremenskom periodu od 13.06.1992. godine do 23.08.1992. godine, u prostorijama SJB Jajce u Jajcu, gdje su bili zatvoreni zarobljeni aktivni i rezervni policajci SJB Mrkonjić Grad i to S. L., A. Z., L. Č., L. M., M. M., G. Z., J. J., I. D., G. Đ., V. T., R. V., kao i M. M., pripadnik VRS-e, I. P. prilikom ispitivanja zarobljenika u više navrata ih mučio, fizički i psihički zlostavljao, udarajući ih nogama, rukama, palicom, pa je tako nanosio povrede M. M. na način da ga je prethodno izveo iz ćelije i uveo u prostoriju sa metalnim ormarima gdje ga je ispitivao i udarao rukama u predjelu glave i grudi, da bi M. M. od siline udaraca padao po metalnim ormarima, Z. A. kojeg je tukao palicom u prostorijama čajne kuhinje po leđima zadavši mu 38 udaraca palicom nakon čega se Z. A. onesvjestio od bolova i zadobijenih udaraca, ispitivao Z. A. u prostoriji sa metalnim ormarima koliko ima novca i koliko bi porodica dala za njega živoga, koliko za mrtvoga, pri tome ga tukući šakama i nogama u predjelu stomaka i grudnog koša, te mu govoreći da je najbolje da ga likvidiraju, što je kod istog izazvalo strah i patnju, Đ. G. u prostoriji sa metalnim ormarima ispitivao koliko ima novca i koliko bi porodica platila za njega pri čemu ga je rukom uhvatio za glavu i udarao od metalni ormar na taj način nanoseći povrede, bolove i strah istom, Č. L. kojeg je tukao po čitavom tijelu ispred bolnice i nakon dolaska u prostorije SJB Jajce, V. R. kojeg je prilikom ispitivanja tukao palicom u čajnoj kuhinji po sljepočnicama i u predjelu glave, tabanima i po svom tijelu, na taj način nanoseći navedenim zarobljenicima snažan tjelesni bol i patnje.

Dakle,

kršeći pravila međunarodnog humanitarnog prava za vrijeme rata i oružanog sukoba, nečovječno postupao i mučio ratne zarobljenike,

ČIME JE UČINIO krivično djelo Ratni zločin protiv ratnih zarobljenika iz člana 144. stav 1. preuzetog KZ SFRJ.